

समे — 12:25

<><><><><><>

PM-TB

प्रधानमंत्री नरेन्द्र मोदी होरें आक्खेआ ऐ जे टीवी तपेदिक यानि टी बी खलाफ भारत दी लडाई सौ दिन दे खास अभियान कन्नै होर मजबूत होई गई ऐ। इस अभियान तैहत टीबी संक्रमण करी मते ग्रस्त जिलें पर खास तौर पर ध्यान दिता जा र दा ऐ। प्रधानमंत्री होरें इक सोशल मीडिया पोस्ट च आक्खेआ जे भारत टीबी दे खात्मे आस्तै बहुकेंद्रित जतन करा र दा ऐ। जिसदे च मरीजें गी लोडचदा इलाज उपलब्ध कराना, जन भागीदारी, नमी औषधि ते प्रोद्योगिकी दा इस्तेमास ते बेहतर उपचार शामिल ऐ। उने टीबी दे खातम आस्तै रलिये जतन करने दी अपील कीती। केंद्रीय सेहत मंत्री जे पी नड्डा होरें इक पोस्ट दा हवाला दिन्दे होई प्रधानमंत्री होरें आक्खेआ जे निक्षय मित्र ते लघु ते असरदार तरीके कन्नै इलाज जनेई पैहल कन्ने तपेदिक संक्रमण च काफी कमी आई ऐ। इसदे उपचार मगरा सेहतमंद होने दी दर बदी ऐ। ते टीबी कन्नै संघर्ष च भारत आस्तै वैश्विक नेतृत्व गी बल थोआ ऐ।

<><><><><><>

Rajanth Russia

रक्षामंत्री राजनाथ सिंह होरें रूस दी त्रै दिन दी यात्रा पर होंडन। इस दौरान ओह मॉस्को च रूस दे रक्षामंत्री आंद्रे बेलोसोव हुन्दे कन्ने ते सेना ते सैन्य तकनीकी सहयोग पर भारत-रूस अंतर सरकारी आयोग दी 21मी बैठक दी सह-अध्यनक्षता करडन। दोनं नेता सैन्य ते औद्योगिक सहयोग सनें दोनं देशें दे रक्षा सरबंधें दी समीक्षा करडन। आपसी हित दे क्षेत्रीय ते वैश्विक मुद्दें पर भी विचार-विमर्श होगा। रक्षामंत्री राजनाथ सिंह 9 दिसम्बर गी कालि-निन्याद च यान्त्रा शिपयार्ड च भारतीय नौसेना दे नवीनतम मिसाईल फ्रिगेट विध्वंसक आईएनएस तुषील गी पानी च तोआरडन। नौसेना प्रमुख एडमिरल दिनेश के. त्रिपाठी इस मौके पर रक्षामंत्री हुन्दे कन्ने होडन। श्री राजनाथ सिंह दूऐ विश्वयुद्ध दौरान शहीद होए दे रूसी सैनिकें दे सम्मान च मॉस्को च सैनिक-मकबरे पर श्रद्धासुमन अर्पित करडन। रूस

यात्रा दौरान ओह भारत वंशियें कन्नै बी मलांटी करडन।

<><><><><><>

Policemen

उधमपुर च गोली लग्गने दी घटना च अज्ज द'ऊं पुलसकर्मिं दी मौत होई गई ऐ। जिला पुलस उधमपुर नै इक बयान जारी करियै आखेआ ऐ जे गोलीबारी दी एह घटना पुलस विभाग दी इक गड्डी अंदर होई ऐ जेहड़ी बारामूला सोपोर थमां एसटीसी तलवाड़ा रियासी बक्खी आवै करदी ही। शुरुआती जांच च एह इक-दुए दी हत्तेआ करने ते आत्महत्तेआ दा मामला लग्गा करदा ऐ। पुलस दे वरिष्ठ अधिकारी मौके पर पुज्जी गेदे न ते इस मामले च जांच अजे जारी ऐ।

<><><><><><>

Prasar Bharti

प्रसार भारती के अध्यक्ष नवनीत सहगल ने कहा है कि दूरदर्शन का वेब ओटीटी प्लेटफॉर्म परिवार के हर सदस्य के लिए स्वस्थो मनोरंजन उपलब्ध कराएगा। साथ ही यह व्यापक श्रोता वर्ग तक लोकप्रसारक की पहुंच बढ़ाने में भी सहायक होगा। अहमदाबाद दूरदर्शन केंद्र के दौरे में उन्होंने कहा कि वेब ओटीटी प्ले टफार्म से दर्शकों को दूरदर्शन के पुराने लोकप्रिय कार्यक्रमों का आनन्द उठाने का भी अवसर मिलेगा।

<><><><><><>

Weather

इस रूतै दी सब्बने थमां ठंडी रात दर्ज कीते जाने मगरा घाटी च तापमान च किश सुधार होआ ऐ। अगले 2 दिनें दरान मौसम विभाग नै हल्की बरखा ते बर्फबारी होने दी पेशगोई कीती ऐ। दक्खनी कश्मीर दा शौपिया सब्बने थमां मती ठंडी थाहर रेई जित्थें तापमान मनफी 4.5 डिग्री सैल्सियस दर्ज कीता गेआ। मौसम विभाग नै 8 ते 9 दिसम्बर चिरे संजा हल्की बरखा ते बर्फबारी होने दी पेशगोई कीती ऐ। उनें आखेआ जे मौसम आम तौर पर 10 ते 11 गी खुश्क रौहग, जिसलै कि 12 दिसम्बर गी हल्की बर्फबारी होई सकदी ऐ। 13 थमां 17 तगर मौसम आम तौर पर खुश्क रौहग। मोसम विभाग नै सैलानिएं, यात्रिएं ते ट्रोसपोटरें गी आखेआ ऐ जे ओह अपनी यात्रा ते ट्रैफिक अमले आस्सेआ जारी हिदायतें मूजब गै करन।

<><><><><><>

Rana

जल शक्ति, जंगलात ते पर्यावरण सरबंधी मंत्री जावेद अहमद राणा होरें गुज्जर ते बक्करवाल होस्टल दा जम्मू च दौरा लाया ते उंदे कम्मकाज ते विद्यार्थिएं गी उपलब्ध सहूलतें दा जायजा लैता। उनें पानी सरबंधी सहूलतें, लाइग्रेरी सुविधा, क्लासें ते विद्यार्थिएं लेई बनाई गेदी होरने सुविधाएं दा जायजा लैता। जावेद राणा होरें हिदायत कीती जे सारे विद्यार्थिएं गी उंदे पूरे परातेविकास लेई सहूलतां होसल होनियां लोडचदियां। अपने दौरे दरान मंत्री होरें जनजातीय मामले दे निदेशक होरें गी हिदायत कीती जे ओह जम्मू कश्मीर दे सारे होस्टलें दे कम्मकाल गी बेहतर करन ते उंदे पर नेड़मी तक्क बी रखन। अमले कन्नै गल्ल करदे होई अमले थमां विद्यार्थिएं दी कारकरदगी बारे पुच्छेआ ते उनेंगी आखेआ जे ओह भविक्ख च औने आले मतेयानें लेई विद्यार्थिएं गी पूरी चाल्ली तैआर करन।

<><><><><><>

Army Security

फौज आसेआ कल पुंछ दे सुरनकोट आहले सरकारी गर्ल्स हायर स्कैंडरी स्कूल च पूरी-पराती सुरक्षा बारै इक व्यापक लैक्चर दा आयोजन कीता गआ। इस दरान बक्ख-बक्ख महत्वपूर्ण पैह्लुएं जि'आं शारीरिक सुरक्षा, भावनात्मक ते मानसिक तंदरूस्ती, डिजिटल ते साईबर सुरक्षा ते माली सुरक्षा बारै सत्र आयोजित कीता गेआ। खरी मती गिनतरी च विद्यार्थिएं, अध्यापकें ते मुकामी लोकें इस कार्यक्रमै च हिस्सा लैता। भारती सेना दे माहिरें इस कार्यक्रम दी अध्यक्षता कीती ते सुरक्षा सरबंधी चुनौतिएं बारै महत्वपूर्ण जानकारीयां सांझी कीतीआं। शारीरिक सुरक्षा आहले विशे दे तैहत प्रतिभागिएं गी आत्मरक्षा दे गुर सखाए गे। उनें'गी दमागी सेहत बरकरार रखने बारै बी प्रोत्साहित कीता गेआ।

<><><><><><>